



Službeni glasnik OPĆINE OLOVO

Godina XVII

Broj: 5

Olovo, 28.05.2013.g.

Na osnovu člana 49. Zakona o organizaciji organa uprave u Federaciji BiH („Službene novine FBiH“, broj: 35/05) i člana 18. stav 1. alineja 14. Statuta Općine Olovo („Službeni glasnik Općine Olovo“, broj: 2/07 i 4/08), Općinsko vijeće Olovo na svojoj VI (šestoj) redovnoj sjednici održanoj dana 17.05. 2013. godine, d o n o s i:

ODLUKU O OBRAZOVANJU JEDINSTVENOG ORGANA UPRAVE OPĆINSKOG NAČELNIKA I OSTALIH OPĆINSKIH SLUŽBI OPĆINE OLOVO

I - OPĆE ODREDBE

Član 1.

Ovom Odlukom obrazuje se Jedinostveni općinski organ uprave i uređuje organizacija Jedinostvenog općinskog organa uprave Općine Olovo u okviru kojeg se objavljuju poslovi lokalne samouprave i upravni poslovi iz samoupravnog djelokruga Općine, kao i poslovi kantonalne uprave preneseni na Općinu, organizacione jedinice službi za upravo Jedinostvenog općinskog organa uprave, djelokrug njihovog rada i način rukovođenja, te organizacije posebnih općinskih službi.

II – JEDINSTVENI OPĆINSKI ORGAN UPRAVE OPĆINE OLOVO, SAČINJAVAJU

Član 2.

1. Općinski načelnik,
2. Služba za opću upravu i društvene djelatnosti,
3. Služba za ekonomske poslove,
4. Služba civilne zaštite,

a.) U okviru službe za Ekonomske poslove djeluje Odsjek za urbanizam, geodetske i imovinsko-pravne poslove.

III – POSEBNA OPĆINSKA SLUŽBA

- **Stručna služba Općinskog vijeća**

Član 3.

U okviru službe za upravu može se obrazovati Odsjek kao osnovna organizaciona jedinica u kojoj se obavljaju naročito složeni poslovi i u većem obimu, a za čije obavljanje je neophodno da se grupišu po istovrsnosti i međusobnoj povezanosti, odnosno za koje potreban viši stepen samostalnosti u rukovođenju. Za obavljanje poslova lokalne samouprave i upravnih poslova iz samoupravnog djelovanja Općine, organizuje se poseban Odsjek u okviru Službe za ekonomske poslove – Odsjek za urbanizam, geodetske poslove i imovinsko-pravne poslove.

IV – JEDINSTVENI OPĆINSKI ORGAN OPĆINSKE UPRAVE

Član 4.

1.) Općinski Načelnik

Jedinstvenim općinskim organom uprave Općine Olovo rukovodi Općinski Načelnik.

Općinski Načelnik obavlja poslove iz svoje nadležnosti utvrđene Ustavom Zeničko-Dobojskog Kantona i Statutom Općine Olovo.

Član 5.

Općinski Načelnik u vršenju poslova iz svoje nadležnosti donosi: Odluke, Pravilnike, Naredbe, Rješenja, Uputstva, Zaključke i Preporuke.

U rukovođenju Općinskim organima uprave Općinskom Načelniku pomažu pomoćnici Službi za upravu. Općinskim službama za upravu neposredno rukovodi Rukovodilac Službe, odnosno pomoćnik Načelnika, a Odsjekom neposredno rukovodi šef Odsjeka.

Rukovodilac Službe i šef Odsjeka postavlja Načelnik u skladu sa Zakonom, Statutom i Pravilnikom o unutrašnjoj organizaciji.

Za službe u kojima se obavljaju preneseni poslovi Kantonalne uprave postavljanje se vrši po prethodno pribavljenom mišljenju Vlade Zeničko-Dobojskog Kantona.

V – JEDINSTVENI OPĆINSKI ORGAN UPRAVE

Član 6.

Općinski Načelnik nadležan je za:

- imenovanje i smjenjivanje rukovodioca općinskih organa, službi i odsjeka, te općinskih službenika i namještenika,
- provođenje općinske politike i izvršenje općinskih propisa i delegiranih/preneseni nadležnosti Općini od Kantonalne, odnosno Federalne vlasti,
- osiguranje saradnje sa ombudsemnima,
- predlaganje općinskog budžeta i drugih propisa koje donosi Općinsko vijeće,
- podnošenje izvještaja Općinskom vijeću i javnosti o provođenju općinske politike i svojim aktivnostima,
- predstavljanje i zastupanje Općine,
- obavještavanje Skupštine Kantona, odnosno Kantonalnih organa uprave o izvršenju Kantonalne politike i Kantonalnih zakona i drugih propisa i međunarodnih ugovora, kao i o stanju odgovarajućoj oblasti, kada je za izvršavanje te politike i tih Zakona, odnosno međunarodnih ugovora, povjereno Općini,

- predlaganje Općinskom vijeću organizacije službi i odsjeka za obavljanje upravnih i drugih poslova iz samoupravne nadležnosti Općine.

Član 7.

Radi izvršavanja poslova iz svoje nadležnosti Općinski načelnik može posebnom odlukom osnovati Savjet Općinskog načelnika.

Savjet iz prethodnog stava pomaže Općinskom načelniku u koordiniranju radom Jedinostvenog organa uprave i posebnih općinskih službi u pripremanju, donošenju i izvršavanju akata iz njegove nadležnosti, te vrši druge poslove utvrđene Statutom i drugim općinskim propisima.

Sastav i broj članova Savjeta Općinskog načelnika utvrđuje se posebnom Odlukom o njegovom osnivanju.

Član 8.

2.) Služba za opću upravu i društvene djelatnosti obavlja slijedeće poslove:

- sprovodi utvrđenu politiku i smjernice Općinskog vijeća i Općinskog načelnika,
- obavlja poslove organizacije općinske uprave i društvenih djelatnosti,
- izvršava i obezbjeđuje izvršavanje Zakona iz oblasti opće uprave i društvenih djelatnosti,
- vrši analitičko praćenje u oblasti opće uprave i društvenih djelatnosti,
- rješava u upravnim stvarima i preduzima upravne mjere u okviru prava i nadležnosti Općine za koju nije nadležan niti jedan drugi organ uprave,
- koordinira rad mjesenih zajednica,
- vrši sve poslove prijemne kancelarije, od prijema podnesaka za sve organe uprave, odnosno Službe, preko evidentiranja, otpreme i arhiviranja,
- vrši sve poslove oko čuvanja arhivske građe Općine,
- vrši ovjeru prepisa, rukopisa i legalizacije potpisa,
- vodi biračke spiskove za područje općine Olovo,
- vrši sve poslove vezane za organizaciju i sprovođenje stručnih ispita službenika i namještenika organa uprave sa srednjom školom, višom i visokom stručnom spremom,
- vrši poslove matične službe,
- poslove obezbjeđenja i održavanja radnog prostora i zgrade Općine (čišćenje prostorija, zagrijavanje itd.),
- poslove oko održavanja i korištenja službenih automobila,
- pripremanje propisa za Općinsko vijeće i Općinskog načelnika i drugih općih akata, analitičko-informativnih materijala iz oblasti Službe za opću upravu i društvene djelatnosti,
- obezbjeđenje efikasnog ostvarivanja prava i interesa i izvršavanje obaveza radnih ljudi i građana,
- ostvarivanje stalne saradnje sa službama i organima grada, Zeničko-dobojskog kantona i Federacije BiH, neposredno ili putem Općinskog vijeća i Općinskog načelnika i njihovih tijela,
- vrši prijem podnesaka građana i organizacija, daje uputstva i pruža stručnu pomoć u vezi sa sastavljanjem i prijemom podnesaka, daje sve potrebne informacije za sve radne ljude, građane i druge subjekte kada im se obrate,
- vrši poslove pravne pomoći, druge upravne i stručne poslove koje ne vrše druge općinske službe, te priprema propise i druge opće akte, analitičko-informativne materijale iz svog djelokruga,
- vrši stručne, tehničke i druge poslove za potrebe općinskih službi uprave,
- normativno-pravne poslove,
- vrši i druge poslove u skladu sa Zakonom i na Zakonu zasnovanim propisima,
- sprovodi utvrđenu politiku i izvršava i obezbjeđuje izvršavanje Zakona, drugih propisa i općih akata u oblasti društvene djelatnosti i to: predškolskog, osnovnog i srednjeg obrazovanja, kulture, sporta i informisanja,
- vodi propisane službene evidencije u tim oblastima i izdaje uvjerenja o činjenicama na osnovu tih evidencija, vrši nadzor nad zakonitošću općih akata ustanova i organizacija u oblasti društvenih djelatnosti, vrši nadzor nad vršenjem povjerenih ovlaštenja u oblastima društvenih djelatnosti,

- daje prijedloge školskih područja za osnovne škole,
- prati rad javnih ustanova iz oblasti fizičke kulture, kulture i sporta čiji je osnivač Općina,
- vrši nadzor nad razvojem školske fizičke kulture,
- odgovorna je za raspodjelu sredstava iz prihoda Općine za zadovoljavanje potreba i interesa u oblasti kulture i fizičke kulture,
- priprema i učestvuje u realizaciji općinskih programa i planova koji se odnose na oblast zdravstvene zaštite,
- vrši upravne i druge stručne poslove iz oblasti društvenih djelatnosti,
- prati rad u oblasti informisanja,
- vođenje baze podataka o izbjeglicama i povratnicima,
- obavještava Policijske organe o stanju raseljenih lica na općini,
- načine organizirane prehrane, dodjeli novčane pomoći za prehranu utvrđuje i obezbjeđuje Općina,
- materijalna i druga pomoć povratnicima,
- podmirenje osnovnih životnih potreba u skladu sa finansijskim mogućnostima, raspoloživim količinama humanitarne pomoći,
- utvrđuje nivo prijeko potrebnih radova i dovođenje objekata za smještaj raseljenih lica u stanje upotrebljivosti,
- davanje informacija o načinu i mogućnostima povratka u općinu, prijavljivanje povratnika i vođenje evidencije u bazi podataka,
- provjerava uvjete za organiziran povratak grupa i pojedinaca, primanje individualnih prijava za povratak, provjera uvjeta za njihov povratak,
- uspostava općinskog koordinatora i tima za povratak na lokaciji na kojoj je osiguran pristup svim povratnicima bez rizika, diskriminacije i uznemiravanja,
- općinski tim za povratak će primati dobrovoljne prijave za povratak, održavati bazu podataka i vršiti postavu i zamjenu svih prikupljenih podataka,
- prikuplja i knjiži podatke za bazu podataka i zaprimanje aplikacija za rekonstrukciju,
- pružanje informacija, administrativne pomoći povratnicima,
- saradnja sa vladinim i nevladinim humanitarnim organizacijama za njihovo prisustvo na terenu,
- ažuriranje liste potencijalnih korisnika za pomoć u rekonstrukciji i obnovi individualnih stambenih objekata,
- vrši implementaciju humanitarnih projekata na teritoriji općine,
- praćenje i pomoć za održivi povratak,
- praćenje potreba za infrastrukturu u povratničkim naseljima,
- vrši upravne i druge stručne poslove koji se odnose na zaštitu boraca, pripadnika oružanih snaga i boraca drugih oslobođilačkih ratova i mirnodopskih vojnih invalida,
- izvršava i obezbjeđuje izvršavanje zakona, drugih propisa i općih akata i postupak za ostvarivanje prava na ličnu i porodičnu invalidninu i druga prava,
- rješava o upravnim stvarima priznavanje osnovnih prava vojnih invalida i porodica palih boraca,
- saraduje sa nadležnim organima, organizacijama i udruženjima u pogledu socijalnog i drugog zbrinjavanja vojnih invalida i članova palih boraca,
- izvršava i obezbjeđuje izvršavanje zakona, drugih propisa i općih akata i vodi postupak za ostvarivanje prava na ličnu i porodičnu invalidninu i druga prava,
- stara se o izgradnji, uvođenju i održavanju spomen obilježja, groblja boraca i stratišta nevinih žrtava,
- obavlja finansijsko-materijalne poslove iz oblasti boračke i invalidske zaštite u okviru državnih, federalnih, kantonalnih i općinskih sredstava,
- vodi propisane službene evidencije u oblastima iz svog djelokruga i izdaje uvjerenja o činjenicama na osnovu tih evidencija,
- prikuplja i obrađuje podatke potrebne za rješavanje statusa pitanja, školovanje, zapošljavanje, stambena problematika i drugi podaci za porodice šehida, ratnih vojnih invalida, demobilisanih boraca i boraca po ranijim propisima,
- obavlja upravne i druge stručne poslove iz stambene i komunalne oblasti i saraduje sa javnim preduzećima iz te oblasti i druge poslove iz svoje nadležnosti,
- vrši i druge upravne i stručne poslove iz oblasti finansiranja,

- ovjera i izdavanje radnih knjižica,
- poslovi upravnog rješavanja uposlenika iz radnog odnosa,
- stambeno zbrinjavanje izbjeglih i raseljenih osoba,
- vođenje upravnog postupka po zahtjevu stranaka za naknadne upise u Matične rođenih, Matične knjige umrlih i Matične knjige državljana,
- priprema i organizuje sjednice Kolegija Općinskog Načelnika,
- priprema odluke, druge propise općih akata i ostalih materijala za potrebe Općinskog Načelnika,
- daje stručna mišljenja u vezi sa radom Načelnika iz oblasti ove službe,
- stručnu obradu i čuvanje dokumentacije Načelnika,
- obezbjeđuje metodološko jedinstvo u postupku donošenja odluka i drugih propisa Općinskog Načelnika,
- vođenje evidencije o održanim sjednicama kolegija Načelnika i donesenim odlukama i drugim općinskim propisima,
- prati izvršenje akata Općinskog načelnika,
- informatički poslovi,
- kuhinja i ekonomat.

Član 9.

3.) Služba za ekonomske poslove obavlja sljedeće poslove:

- vrši poslove iz oblasti privrede u okviru prenešenih nadležnosti kantonalnog Ministarstva za privredu na ovu Službu, te izvršava i provodi sve zadatke postavljene od navedenog Ministarstva,
- koordinira rad nadležnih organa i institucija na izradu i predlaganje programa obnove iz oblasti privrede i infrastrukture,
- rješava u upravnim stvrima u okviru svoje nadležnosti, te vođenje propisane službene evidencije i izdavanje uvjerenja o činjenicama na osnovu tih evidencija,
- vrši inspekcijski nadzor iz nadležnosti Općine,
- upravlja poslovnim i drugim prostorima kojim raspolaže Općina,
- vršenje statističkih poslova zakonom propisanih od interesa za Općinu,
- pripremanje propisa i drugih akata, analitičko-informativnih materijala, te vršenje drugih upravnih i stručnih poslova iz svoje nadležnosti,
- praćenje stanja u oblasti poljoprivrede, trgovine, zanatstva, veterinarstva, vodoprivrede, šumarstva, lova i ribolova i priprema potrebne informacije i mjere za njihovo unapređenje, građenja, urbanizma i ekologije,
- pripremanje akcionih programa proljetne i jesenje sjetve i žetve, te izvještaja o istom,
- poslove evidencije poljoprivrednog zemljišta i upravnog nadzora o njegovom korištenju,
- poslove upravnog rješavanja u prvom stepenu iz oblasti vodoprivrede,
- poslove realizacije programa iz oblasti obnove poljoprivredne proizvodnje,
- sprovodi utvrđenu politiku i izvršava i obezbjeđuje izvršenje zakona, drugih propisa i općih akata u oblasti finansija,
- vrši poslove vezane za planiranje i nacrt budžeta, praćenje i izvršenja budžeta,
- koordinacija poslova i izgradnje,
- vrši računovodstvene poslove,
- vrši najsloženije poslove upravnog rješavanja u oblasti imovinsko-pravnih odnosa, koji zahtijevaju temeljito provođenje postupka prije donošenja rješenja i gdje je potrebno obaviti sljedeće radnje: izlazak na teren, uviđaj, vještačenje, održavanje usmene rasprave na terenu ili u prostorijama službe, uzimanje izjava stranaka i svjedoka u postupku, raspravljanje vlasničkih odnosa prije donošenja rješenja, donošenja rješenja u glavnoj stvari, pribavljenje mišljenja pravobranilaštva, uknjižba, a po zakonu o građevinskom zemljištu, zakonu o eksproprijaciji, zakonu o uzurpacijama,
- priprema materijala za sjednice Općinskog vijeća iz imovinsko-pravne oblasti (rješenja o preuzimanju zemljišta, dozvole prometa, odluke),

- priprema prijedloga rješenja o utvrđivanju općeg interesa i provođenje postupka eksproprijacije, od donošenje rješenja o eksproprijaciji do sporazuma o određivanju naknade prilikom izgradnje infrastrukturnih objekata,
- provođenje postupaka i donošenje rješenja o određivanju zemljišta za redovnu upotrebu objekata,
- vrši postupak i rješava i druge predmete iz imovinsko-pravne oblasti i oblasti katastra nekretnina,
- vodi evidenciju o nekretninama, kao i o nosiocima prava na nekretninama i izdaje uvjerenja o činjenicama, kao i o nosiocima prava na nekretninama i izdaje uvjerenja o činjenicama o kojima se vodi evidencija,
- vrši pripremu katastarskih općina za izlaganje i izlaže na javni uvid,
- utvrđuje promjene nastale na zemljištu i zgradama, evidentira ih i sprovodi kroz katastarski operat,
- obavlja vještačenje za potrebe organa uprave i drugih pravnih subjekata,
- vrši geodetska snimanja novoizgrađenih komunalnih uređaja,
- vodi zbirni katastar komunalnih uređaja na području općine,
- vrši nadzor, pregled i ovjeru geodetskih radova ili elaborata urađenih od strane drugih geodetskih organizacija ili ekipa na području općine,
- priprema podatke koje su osnov za donošenje rješenja o urbanističkim saglasnostima,
- rješava imovinske odnose koji prethode donošenju odobrenja za izgradnju,
- priprema propise i druge akte, analitičko-informativne i druge materijale iz svoje nadležnosti,
- prati stanje u svojoj oblasti i predlaže mjere za sprovođenje utvrđene politike i propisa,
- priprema upravne radnje u oblastima iz svog djelokruga, te vodi službene evidencije u tim oblastima i izdaje uvjerenja o činjenicama na osnovu tih evidencija,
- učestvuje u prostornom planiranju, izgradnji i uređenju zemljišta na lokalnom nivou,
- učestvuje u pripremi programa za donošenje prostorne i urbanističke dokumentacije,
- priprema, prati i učestvuje u izradi i sprovođenju prostorne planske dokumentacije,
- izrađuje urbanističko-tehničke uslove i vrši pregled projektne dokumentacije iz oblasti visokogradnje, niskogradnje, komunalne oblasti i saobraćajne regulative,
- obavlja upravne i druge stručne poslove iz stambene i komunalne oblasti i saraduje sa javnim preduzećima iz te oblasti i druge poslove iz svoje nadležnosti.

Član 10.

4.) Služba civilne zaštite obavlja slijedeće poslove:

- organizira, priprema i provodi zaštitu i spašavanje na području općine,
- izrađuje procjenu ugroženosti za područje općine,
- priprema program zaštite i spašavanja od prirodnih i drugih nesreća u općini,
- predlaže plan zaštite i spašavanja od prirodnih i drugih nesreća u općini,
- prati stanje priprema za zaštitu i spašavanje i predlaže mjere za unapređenje organiziranja i osposobljavanja civilne zaštite,
- organizira i koordinira provođenje mjera zaštite i spašavanja, predlaže program samostalnih vježbi i izrađuje elaborat za izvođenje vježbi civilne zaštite u općini,
- vrši popunu ljudstvom štabova civilne zaštite, službi zaštite i spašavanja, jedinica civilne zaštite i predlaže povjerenike civilne zaštite i osigurava njihovo opremanje materijalno-tehničkim sredstvima, te organizira, izvodi i prati realizaciju njihove obuke,
- priprema propise u oblasti zaštite i spašavanja iz nadležnosti općine, vodi propisane evidencije i vrši druge poslove zaštite i spašavanja u skladu sa zakonom i drugim propisima i općim aktima,
- organizira službu osmatranja i uzbunjivanja, vrši osmatranje, otkrivanje i praćenje opasnosti od prirodnih i drugih nesreća, te pravovremeno izvještava nadležne organe i uzbunjuje stanovništvo o predstojećoj ili nastaloj opasnosti,
- organizuje, provodi i vrši nadzor nad provođenjem mjera zaštite od požara na nivou općine iz svoje nadležnosti,
- organizuje i provodi mjere zaštite od NUS-a i mina,

- organizuje opremanje i rad profesionalne vatrogasne jedinice,
- pomaže u organizovanju i radu dobrovoljnog vatrogasnog društva,
- pruža stručnu pomoć građanima, mjesnim zajednicama, pravnim licima radi otklanjanja nedostataka iz oblasti lične i kolektivne zaštite od prirodnih i drugih nesreća,
- vrši i druge poslove iz nadležnosti ove Službe u skladu sa pozitivno-pravnim propisima.

Član 11.

U sastavu Službe za ekonomske poslove djeluje Odsjek za urbanizam, geodetske i imovinsko-pravne poslove. Odsjekom neposredno rukovodi šef Odsjeka.

VI – POSEBNA OPĆINSKA SLUŽBA

Član 12.

Za obavljanje stručnih, administrativnih, tehničkih i drugih poslova za potrebe Vijeća, obrazuje se Stručna služba Općinskog vijeća.

Stručna služba obavlja slijedeće poslove:

- priprema i organizuje sjednice Vijeća,
- učestvovanje u pripremi prijedloga programa rada i planova rada vijeća i njegovih radnih tijela,
- priprema odluke, druge propise općih akata i ostalih materijala za potrebe Vijeća i njegovih radnih tijela,
- daje stručna mišljenja u vezi sa radom Vijeća, njegovih tijela iz oblasti ove službe,
- pruža i obezbjeđuje stručnu pomoć i informacije koje su potrebne vijećnicima u vršenju njihove funkcije,
- stručnu obradu i čuvanje dokumentacije Vijeća,
- obezbjeđuje metodološko jedinstvo u postupku donošenja odluka i drugih propisa vijeća,
- vođenje evidencije o održanim sjednicama vijeća i njegovih tijela, donesenim odlukama i drugim općinskim propisima,
- snima sjednice vijeća i po potrebi sjednice drugih organa i tijela, izrada zapisnika sa sjednica,
- prati izvršenje akata vijeća i njegovih tijela,
- ostvaruje saradnju sa općinskim službama za upravu.

Stručnom službom neposredno rukovodi Sekretar Općinskog vijeća.

VII – UNUTRAŠNJA ORGANIZACIJA SLUŽBI ZA UPRAVU

Član 13.

Unutrašnja organizacija službi za upravu utvrđuje se Pravilnikom o unutrašnjoj organizaciji član 15. Stav 1. Alineja 8. Zakona o principima lokalne samouprave u FBiH („Sl. novine FBiH“, broj: 49/06).

Pravilnikom o unutrašnjoj organizaciji općinskih službi za upravu regulišu se poslovi i zadaci iz djelokruga općinske službe za upravu, Odsjeka kao osnovne organizacione jedinice, raspored poslova i zadataka na službenike i namještenike utvrđen na osnovu vrste i obima poslova koji proizilaze iz djelokruga Službe, uslovi školske stručne spreme, rukovođenje službom, ostvarivanje javnosti rada, službena zvanja službenika i namještenika, pripravnici, disciplinske odgovornosti i druga pitanja od značaja za unutrašnju organizaciju i rad službi.

Pravilnik na prijedlog pomoćnika Načelnika službe za upravu donosi Općinski načelnik.

VIII – SREDSTVA ZA RAD SLUŽBI ZA UPRAVU

Član 14.

Sredstva za rad službi za upravu utvrđuju se u budžetu Općine, koji za kalendarsku godinu donosi Općinsko vijeće na prijedlog Općinskog načelnika.

IX - PRELAZNE I ZAVRŠNE ODREDBE

Član 15.

Sredstva za rad, arhiva, dokumentacija, oprema, sredstva fondova, radni prostor i druga pokretna imovina općinskih organa uprave, raspoređuju se na službe danom stupanja na snagu ove Odluke.

Raspored sredstava rada, službenih akata, dokumentacije i raspored službenika i namještenika vršit će se u skladu sa postojećim propisima.

Član 16.

Stupanjem na snagu ove Odluke prestaje da važi Odluka o obrazovanju Jedinstvenog općinskog organa uprave Općinskog načelnika i ostalih općinskih službi Općine Olovo(prečišćeni tekst), broj: 01-01-3-720/10 od 24.02.2010. godine.

Član 17.

Ova Odluka stupa na snagu narednog dana po njenom objavljivanju u „Službenom glasniku Općine Olovo“.

Broj: 01-01-3- 1551/ 13

Datum: 17.05.2013. godine

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1546/13
Datum, 17.05.2013. godine

Na osnovu člana 13. Zakona o načelima lokalne samouprave u Federaciji BiH („Službene novine Federacije BiH“, broj 49/06) i člana 18. Statuta Općine Olovo („Službeni glasnik Općine Olovo, broj: 2/07 i 4/08) rješavajući po prijedlogu Općinskog načelnika, a na osnovu zahtjeva Službe za Opću upravu i društvene djelatnosti broj: 03-23-10-1385/13 od 06.05.2013 godine, Općinsko vijeće Općine Olovo, na sjednici održanoj dana 17.05.2013. godine, d o n i j e l o j e

O D L U K A

1. Dodjeljuje se Gondžić Fehimu neizgrađeno gradsko građevinsko zemljište označeno kao parcela broj 489/2 zvana Strana, neplodno u površini od 100 m² upisana u ZK uložak broj 330 K.O. Olovo u svrhu izgradnje stambenog objekta iz sredstava Federalnog ministarstva raseljenih osoba i izbjeglica Sarajevo, Projekat „Regionalni program stambenog zbrinjavanja – faza I“.
2. Zemljišno-knjižni ured Općinskog suda Visoko i Katastar Olovo na zemljištu iz tačke 1. ove odluke, izvršit će uknjižbu prava raspolaganja u korist Općine Olovo, a pravo korištenja radi građenja u korist Gondžić Fehima.
3. Zabranjuje se otuđenje – prodaja parcele broj 489/2 u površini od 100 m² K.O. Olovo od strane Gondžić Fehima i njegovih nasljednika, jer se zemljište dodjeljuje u svrhu socijalnog zbrinjavanja porodice.
4. Nalaže se zemljišno-knjižnom uredu Općinskog suda Visoko da zabranu iz tačke 3. ove odluke upiše u „C“ list ZK uložka za parcelu 489/2 K.O. Olovo.

O b r a z l o ž e n j e

Gondžić (Halila) Fehim iz Olovo podnio je Službi za opću upravu i društvene djelatnosti, na propisanom obrascu, prijavu za dobivanje pomoći za rekonstrukciju i povratak 08.04.2013. godine.

Uz prijavu Gondžić Fehim je priložio Izjavu broj 3865/13 od 04.04.2013. godine ovjerenu u Matičnom uredu Općine Olovo shodno kojoj je vidljivo da živi sa suprugom i troje maloljetne djece, rodne listove za djecu i rješenje Centra za socijalni rad Olovo broj 02-35-IX-887-R2/06 od 11.11.2011. godine shodno kojem je djetetu Gondžić Fehima, Nerminu rođenom 1999. godine utvrđen invaliditet I grupe sa 100% oštećenja organizma na osnovu Zakona o osnovama socijalne zaštite, zaštite civilnih žrtava rata i zaštite porodice sa djecom.

Po podnešenoj prijavi Gondžić Fehima izvršena je procjena stanja na terenu za porodicu Gondžić od strane predstavnika Federalnog ministarstva i sačinjen zapisnik na terenu u mjesecu aprilu 2013. godine, te dostavljena sva potrebna tražena dokumentacija.

Općinski načelnik je svojim aktom broj 02-36-1-304-2/13.I.S. od 11.04.2013. godine Federalnom ministarstvu raseljenih osoba i izbjeglica Sarajevo podnio prijedlog potencijalnih korisnika za Projekat „Regionalni program stambenog zbrinjavanja – faza I“, Gondžić (Halila) Fehima koji trenutno stanuje u ulici Krivajska bb općina Olovo.

Na osnovu usmenih kontakata sa Federalnim ministarstvom Službi za opću upravu i društvene djelatnosti ukazano je da je porodica Gondžić jedna od potencijalnih korisnika uz uslov da se porodici obezbijedi zemljište za izgradnju stambenog objekta. Shodno tome Služba za opću upravu i društvene djelatnosti svojim aktom broj 03-23-10-1385/13 od 06.05.2013. godine obratila Službi za ekonomske poslove radi pripreme materijala za narednu sjednicu Općinskog vijeća u smislu dodjele zemljišta u svrhu zbrinjavanja porodice Gondžić.

Identifikacijom raspoloživog zemljišta u svojini Općine Olovo, na usaglašeni prijedlog članova Kolegija Općinskog vijeća i Općinskog načelnika predložena je lokacija za dodjelu i to parcela broj 489/2 u površini od 100 m² K.O. Olovo, lokalitet iza zgrade Policijske uprave do zgrade „Baraka“.

Dana 06.05.2013. godine od strane Općinskog pravobranilaštva zatraženo je mišljenje u ovom prdmetu dodjele zemljišta, shodno kojem

Na osnovu člana 13. Zakona o načelima lokalne samouprave u Federaciji BiH Općinsko vijeće u okviru svoje nadležnosti donosi odluke o upravljanju i raspolaganju imovinom jedinica lokalne samouprave, te je u konkretnom slučaju Općinsko vijeće, u cilju stambenog zbrinjavanja socijalno ugožene porodice donijelo odluku o dodjeli zemljišta iz tačke 1. dispozitiva ove Odluke.

Protiv ove odluke nije dopuštena žalba, ali se može pokrenuti upravni spor podnošenjem tužbe Kantonalnom sudu u Zenici u roku od 30 dana od dana prijema ove odluke. Tužba se podnosi neposredno sudu.

Dostavljeno:

PREDSJEDAVAJUĆI
OPĆINSKOG VIJEĆA

1. Službi za opću upravu i društvene djelatnosti 2x,
2. Služba za ekonomske poslove 2x,
3. ZK ured,
4. Katastar,
5. Pravobranilaštvo,
6. Evidencija,
7. a/a

Izudin Kućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1547/13
Datum, 17.05.2013. godine

Na osnovu člana 4. stav 2. Zakona o prometu nepokretnosti („Službeni list SR BiH“, broj: 38/78, 4/89, 29/90, 22/91) i („Službene novine R BiH“, broj: 21/93, 3/93, 17/93, 13/94, 18/94 i 33/94), člana 18. Statuta Općine Olovo („Službeni glasnik Općine Olovo, broj: 2/07 i 4/08), na sjednici održanoj dana 17.05.2013. godine, Općinsko vijeće Općine Olovo, donijelo je

O D L U K U
o promjeni statusa javnog dobra u opštoj upotrebi – vode

Član 1.

Utvrđuje se da nekretnine označene kao parcele broj:

- 1285/21 zvana Stupčanica neplodno u površini od 261 m²,
- 1285/22 zvana Stupčanica neplodno u površini od 4361 m²,
- 1285/23 zvana Stupčanica neplodno u površini od 706 m²,
- 1285/26 zvana Stupčanica neplodno u površini od 2196 m²,
- 1285/28 zvana Stupčanica neplodno u površini od 6493 m² i
- 1285/30 zvana Stupčanica neplodno u površini od 4011 m² upisane u ZK uložak broj 332 K.O. Olovo, rijeka Stupčanica dobro u općoj upotrebi – vode Općina Olovo, mijenju status i namjenu nakon okončanja postupka regulacije rijeke Stupčanice u naseljenom mjestu Karagino polje.

Član 2.

Na osnovu ove Odluke Zemljišno-knjižni ured Općinskog suda Visoko i Katastar Olovo, na parcelama broj:

- 1285/21 zvana Stupčanica neplodno u površini od 261 m²,
- 1285/22 zvana Stupčanica neplodno u površini od 4361 m²,
- 1285/23 zvana Stupčanica neplodno u površini od 706 m²,
- 1285/26 zvana Stupčanica neplodno u površini od 2196 m²,
- 1285/28 zvana Stupčanica neplodno u površini od 6493 m² i
- 1285/30 zvana Stupčanica neplodno u površini od 4011 m² upisane u ZK uložak broj 332 K.O. Olovo, brisat će dosadašnji izvršeni upis javno dobro u opštoj upotrebi - **vode** i uknjižiti pravo raspolaganja zemljištem u **korist Općine Olovo**.

Član 3.

Ova Odluka stupa na snagu narednog dana od dana objavljivanja u „Službenom glasniku Općine Olovo“.

Dostavljeno:

PREDSJEDAVAJUĆI
OPĆINSKOG VIJEĆA

1. Zemljišno-knjižni ured Visoko,
2. Katastar Olovo,
3. Služba za ekonomske poslove 2x,
4. Evidencija,
5. a/a

Izudin Kućanović, dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 17.05.2013 godine d o n o s i

DLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli k.p. 440/1, zv."Alinuša" K.O.Olovo novoga premjera, koja se nalaze u Olovu ul. Školska bb, briše se lokacija za izgradnju niza od šest stambeno poslovnih objekata.

Član 3.

Na području Regulacionog plana Olovo-Centar na parceli k.p. 440/1, zv."Alinuša" K.O.Olovo novoga premjera, koja se nalaze u Olovu ul. Školska bb, ucrtava se lokacija za izgradnju objekta gradske džamije. Dimenzije objekta su 18,00 m x 15,00 m spratnosti P+1

Član 4.

Na području Regulacionog plana Olovo-Centar na parceli k.p. 440/2, zv."Alinuša" K.O.Olovo n.p., koja se nalaze u Olovu, ucrtava se lokacija za dogradnju objekta "Bosanska kuća". Planirane dimenzije za dogradnju su 7,00m x 5,00 m, spratnosti P+ 1.

Član 5.

Na području Regulacionog plana Olovo-Centar na parceli k.p. 1285/1 rijeka Stupčanica K.O.Olovo novoga premjera, koja se nalazi u Olovu, lokacija za izgradnju pješačkom mosta pomjera se 6 m uzvodno uz rijeku. Dimenzije mosta ostaju iste.

Član 6

Stupanjem na snagu ove odluke prestaje da važi Odluka o izmjeni i dopuni Odluke o usvajanju Regulacionog plana Olovo-Centar broj: 01-23-1418/11 od 28.04.2011. godine.

Član 7.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3- 1555/13
Datum; 17.05.2013.godine

Izudin Kućanović dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 17.05.2013 godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Industrijska zona

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo – Industrijska zona, na parceli k.p. 394/4 zv."Pilana" K.O.Olovske Luke novoga premjera, ucrtavaju se 2 (dvije) lokacije za izgradnju industrijskih objekata. Lokacija za izgradnju industrijskog objekta tvornica peleta i briketa dimenzija 36,65 m x 40,80 m spratnosti P, te lokacija za izgradnju objekta deponija sječke nepravilnog oblika ukupne površine 1025,60 m² spratnosti P.

Član 3.

Na području Regulacionog plana Olovo – Industrijska zona, na parceli k.p. 394/5 zv."Pilana" K.O.Olovske Luke ucrtavaju se 2 (dvije) lokacije za izgradnju industrijskih objekata. Lokacija za izgradnju industrijskog objekta tvornica paleta dimenzija 40,50 m x 15,60 m spratnosti P, te lokacija za izgradnju otvorenog skladišta dimenzija 56,78 m x 33,50 m spratnosti P.

Član 4.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

Broj: 01-01-3- 1552/13
Datum; 17.05.2013.godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 17.05.2013. godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli k.p. 428/1 dio zv."Željeznička stanica" K.O.Olovo novoga premjera, koja se nalazi u Olovu plato ispred zgrade zv."Karingtonka" brišu se lokacije broj;144, 145, 146 i 147 na kojima je bila planirana izgradnja stambeno poslovnih objekata u nizu.

Član 3.

Na području Regulacionog plana Olovo-Centar na parceli k.p. 428/1 dio zv."Željeznička stanica" K.O.Olovo novoga premjera, koja se nalazi u Olovu, plato ispred zgrade zv."Karingtonka" ucertava se lokacija za izgradnju privremenih objekata za smještaj ogrevnog drveta. Dimenzije lokacije su 21,65 m x 6,06 m. Ostave su privremenog karaktera i služit će za odlaganje ogrevnog drveta.

Član 4.

Na području Regulacionog plana Olovo-Centar na parcelama k.p. 428/1 dio i 427/10 zv."Željeznička stanica" K.O.Olovo novoga premjera, koja se nalazi u Olovu ucertava se lokacija za izgradnju saobraćajnice koja povezuje ul.Karagino Polje i ul. Školska. Dužina saobraćajnice je cca 120,00 m1 a širina 4,60 m1.

Član 5.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

-
Broj: 01-01-3- 1553/13
Datum; 17.05.2013.godine

Izudin Kućanović dr.med. s.r.

Na osnovu člana 26. Zakona o prostornom uređenju ("Službene novine Zeničko Dobojskog kantona" br:2/04), i člana 18. Statuta Općine Olovo («Sl. Glasnik Općine Olovo» br: 2/07 i 4/08), Općinsko Vijeće na sjednici održanoj 17.05.2013 godine d o n o s i

ODLUKU
O izmjeni i dopuni Odluke o usvajanju
Regulacionog plana Olovo-Centar

Član 1.

Ovom Odlukom vrši se izmjena i dopuna Odluke o usvajanju, izmjenama i dopunama Regulacionog plana Olovo-Centar broj;1/2-07-110/89 od 25.09.1989 ("M.S.G. Sarajevo" broj;14/89).

Član 2.

Na području Regulacionog plana Olovo-Centar na parceli k.p. 516/10 dio zv."Trnovača" K.O.Olovo novoga premjera, koja se nalazi u Olovu plato ispred zgrade zv."Borovo", ucrtava se lokacija za uređenje parkovske površine a prema idejnom projektu urađenom od strane „Vizija“ d.o.o. Sarajevo.

Član 3.

Stupanjem na snagu ove Odluke briše se dio Odluke broj:01-01-3-372/08 od 20.02.2008 godine a koji se odnosi na izgradnju 11 parking mjesta na platou ispred zgrade zv."Borovo"

Član 4.

Ova Odluka objavit će se u "Službenom Glasniku" općine Olovo, a stupa na snagu narednog dana po objavljivanju.

PREDSJEDAVAJUĆI
OPĆINSKOG VIJEĆA

Broj: 01-01-3- 1554/13
Datum; 17.05.2013.godine

Izudin Kućanović dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1549/13
Datum, 17.05.2013. godine

Na osnovu člana 8. i 13. Zakona o načelima lokalne samouprave u Federaciji BiH („Službene novine Federacije BiH“, broj 49/06) i člana 18. Statuta Općine Olovo („Službeni glasnik Općine Olovo, broj: 2/07 i 4/08) i Zakona o javnim preduzećima u Federaciji BiH („Službene novine Federacije BiH“, broj: 8/05, 81/08 i 22/09) rješavajući po prijedlogu Općinskog načelnika, a na osnovu rješenja Općinskog suda Zenica broj 43 0 St 049073 06 St od 19.03.2013. godine o zaključenju stečajnog postupka nad JKP „Bioštica“ Olovo, Općinsko vijeće Općine Olovo na sjednici održanoj dana 17.05.2013. godine, d o n i j e l o j e

O D L U K U

O imenovanju Skupštine JKP „Bioštica“ Olovo čiji je osnivač Općina Olovo

1. Imenuje se Skupština JKP „Bioštica“ Olovo u sljedećem sastavu:
 - Merisa Kaljanac, pomoćnica Općinskog načelnika za ekonomske poslove,
 - Senada Džakmić, dipl. pravnik, državni službenik i
 - Mustafa Jamaković, viši referent u opć. službi za ekonomske poslove
2. Općinsko vijeće daje ovlaštenje Skupštini JKP „Bioštica“ Olovo da imenuje VD direktora i privremeni Nadzorni odbor JKP „Bioštica“ Olovo na period od 6 (šest) mjeseci.
3. Skupština, VD direktora i privremeni Nadzorni odbor JKP „Bioštica“ Olovo obavljat će dužnosti u skladu sa Zakonu o javnim preduzećima u F BiH, Zakonom o komunalnoj djelatnosti ZDK, Statutom i drugim općim aktima ovog preduzeća.
4. Ova odluka stupa na snagu danom objavljivanja u Službenom glasniku Općine Olovo.

O b r a z l o ž e n j e

Rješenjem Općinskog suda Zenica broj 43 0 St 049073 06 St od 19.03.2013. godine zaključen je stečajni postupak nad JKP „Bioštica“ Olovo.

Rješenjem Općinskog načelnika broj 02-05-2-1128/13 od 09.04.2013. godine, shodno odredbama Zakona o ministarskim i drugim vladinim imenovanjima, imenovan je VD JKP „Bioštica“ Olovo na period od dva mjeseca.

JKP „Bioštica“ Olovo nije u mogućnosti u Registru društava Općinskog suda u Zenici brisati zabilježbu otvaranja stečajnog postupka i unosa imena ovlaštenih osoba koje zastupaju preduzeće sa imenovanjima kraćim od 6 (šest) mjeseci.

Istekom mandata Nadzornog odbora ovog preduzeća i novim statusom nakon zatvaranja stečajnog postupka, neophodno je imenovanje privremenih tijela preduzeća radi funkcionisanja i obavljanja djelatnosti za koju je registrovano.

Iz navedenih razloga, koristeći ovlasti iz vlastite nadležnosti jedinice lokalne samouprave iz člana 8. i ovlaštenja Općinskog vijeća iz član 13. Zakona o načelima lokalne samouprave u F BiH, te Zakonu o javnim preduzećima u F BiH, pristupa se imenovanju Skupštine JKP i davanje ovlaštenja za imenovanje na period

od 6 (šest) mjeseci privremenog Nadzornog odbora i VD direktora preduzeća, do okončanja redovne procedure raspisivanja konkursa za izbora Nadzornog odbora i izbora direktora preduzeća.

Na osnovu svega navedenog odlučeno je kao u dispozitivu ove Odluke.

Protiv ove Odluke nije dopuštena žalba, ali se protiv iste može pokrenuti upravi spor pred Kantonalnim sudom Zenica u roku od 30 dana od dana prijema iste.

Dostavljeno:

1. JKP „Bioštica“ Olovo,
2. Služba za ekonomske poslove 2x,
3. Evidencija,
4. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

Na osnovu člana 49 . Zakona o komunalnim djelatnostima (“Službene novine Ze-do kantona”, broj:17/08) i u skladu sa članom 18. stav 1. alineja 18. Statuta općine Olovo („Službeni glasnik općine Olovo“, broj: 2/07 i 4/08) Općinsko vijeće Općine Olovo na sjednici održanoj dana 17.05.2013.godine,
d o n o s i

ODLUKU

O izmjenama i dopunama Odluke o komunalnom redu

Ovom Odlukom vrši se izmjena i dopuna Odluke o komunalnom redu, br.: 01-01-3-848/09 od 28.04.2009.godine, objavljena u („Službeni glasnik općine Olovo“, broj: 4/09), i to:

Član 6. stav 2. mijenja se i glasi

„Ukoliko je opći estetski izgled stambenih, poslovnih i stambeno-poslovnih objekata u I gradskoj zoni narušen u pogledu oštećenja prilaza i vanjskih dijelova zgrade (fasade, stolarija, oluci, krovovi, izlog i sl.) komunalni inspektor će vlasnicima pomenutih objekta rješenjem naložiti otklanjanje uočenih nedostataka.“

Član 9. stav 1. mijenja se i glasi:

„Zabranjeno je zatvaranje lođa, balkona, terasa i sl. kao i izvođenje drugih građevinskih radova kojima se mijenja i narušava vanjski izgled stambenih, poslovnih i stambeno-poslovnih objekata, bez prethodno pribavljenog odobrenja nadležne Službe“;

Član 10. Dopunjuje sa stavovima 3. i 4., koji glase:

Stav 3.

„Postavljanje ukrasnih ograda od ukrasnog grmlja i zapreka kojim se štite javne zelene površine vrši isključivo nadležno komunalno preduzeće uz prethodno odobrenje Službe nadležne za poslove urbanizma.“

Stav 4.

„Zabranjeno je neovlašteno ograđivanje javnih površina i izvođenje bilo kakvih radova na javnim površinama bez odobrenja nadležne Službe“;

Član 11. mijenja se i glasi :

Ograde od ukrasne živice uz javne saobraćajne površine moraju se redovno održavati i podrezivati tako da ne ometaju saobraćaj.

Član 101. Mijenja se :

U stavu 1. riječ “zelenim“ se briše:

Dodaje se alineja 27. koja glasi:

- „Svaka aktivnost kojom se narušava kontinuitet i integritet obaloutvrda“

Dodaje se novi stav 2. i on glasi:

- „Zabranjuje se hranjenje pasa lotalica, mačaka i ptica na javnim površinama.“

Član 134. mijenja se i glasi:

„Deponija komunalnog otpada uredit će se prema Planu prilagođavanja upravljanja otpadom za područje općine Olovo.“

Član 136. Mijenja se:

Stav 1. dopunjuje se:

Iza riječi „vijeće“ dodaje se: „ u skladu sa važećim zakonskim propisima koji regulišu ovu oblast “ .

Stav 2. mijenja se i glasi:

„Općinsko Vijeće na prijedlog nadležnog preduzeća utvrđuje visinu naknade za korištenje deponije od strane trećeg lica.“

Član 144. Mijenja se i glasi:

„Uginule životinje koje se zateknu na javnim površinama odmah se uklanjaju i zakopavaju na lokaciji koja je predviđena za ove svrhe“ .

„Uklanjanje i zakopavanje uginulih životinja vrši nadležno komunalno preduzeće o trošku vlasnika, a ukoliko je vlasnik nepoznat onda o trošku općine Olovo.“

Član 168.

Dopunjuje se novim alinejama iza stava 1., koje glase:

- „Ako postupa suprotno odredbama člana 100“.
- „Ako postupa suprotno odredbama člana 126“.

Član 169.

Dopunjuje se alinejama iza stava 1., koje glase:

- „Ako postupa suprotno odredbama člana 100“.
- „Ako postupa suprotno odredbama člana 126“.

Broj: 01-01-3- 1550/13

Datum: 17.05.2013.godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1571/13
Datum, 17.05.2013. godine

Na osnovu člana 24. Zakona o građevinskom zemljištu („Službene novine Federacije BiH“, broj 25/03) i člana 18. Statuta Općine Olovo („Službeni glasnik Općine Olovo, broj: 2/07 i 4/08) rješavajući po nalogu Općinskog načelnika broj: 02-31-2-1381/13 od 06.05.2013. godine u predmetu preuzimanja neizgrađenog gradskog građevinskog zemljišta, radi privođenja trajnoj namjeni i izgradnji saobraćajnice ispred zgrade „Karingtonke“ do zgrade „Kartanke“ u pravcu saobraćajnice za naseljeno mjesto Karagino polje, na sjednici održanoj dana 17.05.2013. godine, d o n i j e l o j e

R J E Š E N J E

1. Preuzima se neizgrađeno gradsko građevinsko zemljište, radi privođenja trajnoj namjeni predviđenoj regulacionim planom od ŠIP „Stupčanice“ Olovo u stečaju, radi izgradnje saobraćajnice ispred zgrade „Karingtonke“ do zgrade „Kartanke“ u pravcu saobraćajnice za naseljeno mjesto Karagino polje, i to:
 - parcela broj **427/10** zvana Željeznička stanica neplodno u površini od 240 m² upisana u ZK uložak broj 292 K.O. Olovo pravo vlasništva ŠIP „Stupčanica“ dd Olovo u stečaju,
2. Za preuzeto zemljište iz tačke 1. ovog rješenja ŠIP „Stupčanici“ dd Olovo pripada pravo na naknadu, koja će se odrediti u posebnom postupku, nakon pravosnažnosti ovog rješenja.
3. Zemljišno knjižni ured Općinskog suda Visoko i Katastar Olovo, će po pravosnažnosti ovog rješenja, nakon sklapanja sporazuma o naknadi, a u skladu sa prijavnim listom iz Katastra Olovo o izvršenom cijepanju na parceli broj 427/10 u površini od 240 m² K.O. Olovo, uknjižiti Općinu Olovo - put dobro u općoj upotrebi.

O b r a z l o ž e n j e

Postupajući po nalogu Općinskog načelnika broj 02-31-2-1381/13 od 06.05.2013. godine pokrenut je postupak preuzimanja neizgrađenog gradskog građevinskog zemljišta u svrhu izgradnje saobraćajnice ispred zgrade „Karingtonke“ do zgrade „Kartanke“ u pravcu saobraćajnice za naseljeno mjesto Karagino polje, a od ŠIP „Stupčanice“ dd Olovo u stečaju.

U toku provođenja postupka pribavljen je zemljišno – knjižni izvadak za parcelu koja je predmet izuzimanja, projekatsaobraćajnice urađen od strane Službe za ekonomske poslove - Urbanizma Olovo, te saglasnost ŠIP „Stupčanice“ data na Zapisnik sačinjen 08.05.2013. godine u prostorijama Općine Olovo.

Odlukom o izmjeni i dopuni Odluke o usvajanju Regulacionog plana Olovo Centar broj 01-01-3-1553/13 od 17.05.2013. godine u Regulacionom planu Olovo Centar ucrtana je saobraćajnica ispred zgrade „Karingtonke“ do zgrade „Kartanke“ u pravcu saobraćajnice za naseljeno mjesto Karagino polje

Dana 08.05.2013. godine izvršena je identifikacija zemljišta koje je predmet izuzimanja, na licu mjesta, te na osnovu pribavljene saglasnosti izvršeno cijepanje parcele 427/10, izdvajanjem površine za potrebe puta od 240 m² od matične parcele broj 427/1 K.O. Olovo.

Kako su u ovom predmetu ispunjeni uslovi iz člana 24. Zakona o građevinskom zemljištu za preuzimanje građevinskog zemljišta, to je odlučeno kao u dispozitivu ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe kod Kantonalnog suda Zenica, u roku od 30 dana od dana dostavljanja rješenja.

Tužba se podnosi neposredno sudu u dva primjerka.

Dostavljeno:

1. ŠIP „Stupčanica“ dd Olovo,
2. ZK ured nakon ovjere pravosnažnosti,
3. Katastru,
4. Služba za ekonomske poslove 2x,
5. Evidencija,
6. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1538/13
Datum: 17.05.2013. godine

Na osnovu člana 18. Statuta općine Olovo ("Službeni glasnik općine Olovo", broj: 2/07 i 4/08), Općinsko vijeće Olovo na sjednici održanoj dana 29.01.2013.godine, razmatrajući Informaciju o prijedlogu Prostornog plana Federacije Bosne i Hercegovine, **d o n i j e l o j e**

R J E Š E N J E **obrazovanju radne grupe**

I

Obrazuje se radna grupa za za izradu Rezolucije o primjedbama na prijedlog Prostornog plana Federacije Bosne i Hercegovine zbog predviđenih vještačkih akumulacija na rijeci Krivaji i Bioštici.

Radnu grupu čine: Općinski načelnik, Predsjedavajući Općinskog vijeća, Zamjenik predsjedavajućeg OV, i predstavnici političkih subjekata koji imaju vijećnike u Općinskom vijeću.

II

Zadatak radne grupe je da izradi tekst Rezolucije kojom se želi utjecati na relevantne institucije FBiH radi sprečavanja usvajanja Prostornog plana FBiH u kojem su planirane vještačke akumulacije na rijeci Krivaja i na rijeci Bioštica.

III

Radna grupa će na svojoj prvoj sjednici utvrditi konačan tekst Rezolucije imajući u vidu prijedloge i sugestije iznesene na sjednici Vijeća i takav tekst uputiti na sve adrese koje mogu utjecati na Parlament Federacije da se iz prijedloga Prostornog plana FBiH eliminišu predviđene vještačke akumulacije na rijekama Krivaja i Bioštica na području općine Olovo.

Dostaviti:

1. Članovi radne grupe
2. Općinsko vijeće
3. Općinski načelnik
4. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3- 1103/13

Datum, 17.05.2013. godine

Na osnovu člana 13. Zakona o principima lokalne samouprave u Federaciji BiH („Službene novine FBiH“, broj: 49/06), člana 18. Statuta Općine Olovo („Službeni glasnik Općine Olovo“, broj: 2/07 i 4/08) i člana 99. Poslovnika o radu Općinskog vijeća Olovo („Službeni glasnik Općine Olovo“, broj: 2/08), razmatrajući Informaciju o Prijedlogu Prostornog plana Federacije BiH, Općinsko vijeće Olovo kao najviši organ lokalne zajednice, izražavajući volju svojih građana, na sjednici održanoj dana 17.05.2013. godine donosi

**REZOLUCIJU OPĆINE OLOVO POVODOM
PRIJEDLOGA PROSTORNOG PLANA FEDERACIJE BiH**

1. Prostorno planskom dokumentacijom višeg reda (Prostorni plan Federacije BiH – u fazi usvajanja i Prostorni plan Zeničko-dobojskog kantona) na području općine Olovo su predviđene tri akumulacije u svrhu zadovoljavanja Kantona i Federacije za vodom (stanovništvo, privreda, rekreacija, energetika i dr.) i to na Rijeci Krivaji – akumulacija Buk i Kamenica i na rijeci Bioštica – akumulacija Kruševo.
2. Općinsko vijeće općine Olovo oštro se protivi i izražava zabrinutost zbog aktueliziranja preko 30 godina starog plana izgradnje vještačkih akumulacija na rijekama Krivaja i Bioštica.
3. Općinsko vijeće je stanovišta da bi ovakvim Prostornim planom FBiH bilo dovedeno u pitanje status i opstanak općine kao lokalne zajednice zbog toga što bi došlo do masovnog iseljavanja stanovništva sa vjekovnih ognjišta iz naseljenih mjesta: Careva Čuprija, Rijeka, Čuništa, Solun, Križevići, Boganovići, Kamensko, Milankovići, Jelaškei drugih manjih naselja (cca 3500 stanovnika što čini više od 1/3 ukupnog broja stanovnika općine Olovo, odnosno 7 mjesnih zajednica od ukupno 15.)
4. Pored raseljavanja i odliva stanovništva znatno bi se usporio privredni razvoj što dodatno znači da Općina ne bi mogla autonomno planirati svoj budući razvoj jer bi oko 70% njene teritorije bilo pod ingerencijama viših nivoa vlasti tj. Federacije BiH i Ze-do kantona. Općina Olovo ne bi imala upravljanje svojim vlastitim prostorom i svojim resursima s obzirom da je i Slivno područje vodnih akumulacija Buk i Kamenica na rijeci Krivaji, utvrđeno kao integralni dio područja posebnog obilježja „Tajan, Zvijezda, Konjuh – sliv Krivaje“
5. Prijedlog Prostornog plana FBiH u dijelu koji se odnosi na općinu Olovo je u direktnoj suprotnosti sa odredbama člana 8. Zakona o principima lokalne samouprave gdje su utvrđene nadležnosti lokalne zajednice da Općina samostalno odlučuje o pitanjima iz vlastite nadležnosti, koje ne mogu biti ograničene ili uskraćene od federalnih ili kantonalnih vlasti. Između ostalog, u nadležnosti jedinice lokalne samouprave posebno spadaju:
 - Utvrđivanje politike upravljanja prirodnim resursima jedinice lokalne samouprave i raspodjele sredstava ostvarenih na osnovu njihovog korištenja,
 - Donošenje programa i planova razvoja jedinice lokalne samouprave i stvaranje uvjeta za privredni razvoj i zapošljavanje,
 - Utvrđivanje i provođenje politike uređenja prostora i zaštite čovjekove okoline.
6. Osim što bi donošenjem Prostornog plana predlagatelj i donosilac prekršili principe lokalne samouprave, prekršili bi i odredbe člana 4. stav 6. Evropske povelje o lokalnoj samoupravi koji glasi: „Lokalne vlasti će biti konsultovane, u najvećoj mogućoj mjeri, pravovremeno i na odgovarajući

način, u procesu planiranja i donošenja odluka o svim stvarima koje ih se direktno tiču“.Prilikom pripremanja i izrade Nacrta Prostornog plana FBiH općinske vlasti Općine Olovo su blagovremeno uputile naše primjedbe (dopis broj: 02-23-3-366/12 od 16.04.2012. godine), ali kao što se vidi iz Prijedloga Prostornog plana FBiH iste nisu uvažene.

7. Usvajanjem Prostornog plana Federacije, sa predviđenim akumulacijama, i njegovom realizacijom bila bi zapečaćena sudbina opstojnosti, bitisanja i postojanja Olova kao općine.
8. Na osnovu svih iznesenih argumenata tražimo da predlagač Prostornog plana Federacije iz Prijedloga Plana briše predviđene vještačke akumulacije na području općine Olovo.

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

Dostavljeno:

6. Predstavnički dom Parlamenta BiH,
7. Dom naroda Parlamnta BiH,
8. Savez općina i gradova FBiH,
9. Skupština ZDK,
10. Ministarstvo prostornog uređenja FBiH,
11. Ministarstvo prostornog uređenja, prometa i komunikacija i zaštite okoline ZDK
12. Općinsko vijeće
13. a/a



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Na osnovu člana 18. Statuta Općine Olovo („Službeni glasnik Općine Olovo“, broj: 2/07 i 4/08), Općinsko vijeće na sjednici održanoj dana 17.05.2013. godine, *donijelo je:*

R J E Š E N J E
o imenovanju Komisije za organizaciju obilježavanja dana
„I Slavne olovske brdske brigade“ – 27.05.2013. godine

I

U Komisiju za organizaciju obilježavanja dana „I Slavne olovske brdske brigade“ imenuju se:

1. Nusret Sirćo - član
2. Nazif Vatreš - član,
3. Himzo Zukić - član,
4. Ahmet Rizvanović - član,
5. Samir Zukić - član.

II

Zadatak Komisije je da: napravi plan i program aktivnosti sa finansijskim pokazateljima i da isti dostavi nadležnoj općinskoj službi, realizuje planirane aktivnosti i da svoj izvještaj o organizaciji svečanosti u pisanoj formi dostavi Općinskom vijeću.

III

Komisija će na prvoj svojoj sjednici izabrati Predsjednika komisije.

IV

Ovo rješenje stupa na snagu danom donošenja, a bit će objavljeno u „Službenom glasniku Općine Olovo“.

Broj: 01-01-3- 1572/13
Datum, 17.05.2013. godine.

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3- 1548/13
Datum, 17.05.2013. godine

Na osnovu člana 13. Zakona o načelima lokalne samouprave u Federaciji BiH („Službene novine Federacije BiH“, broj 49/06) i člana 18. Statuta Općine Olovo („Službeni glasnik Općine Olovo, broj: 2/07 i 4/08) rješavajući po prijedlogu Općinskog načelnika, Općinsko vijeće Općine Olovo, na sjednici održanoj dana 17.05.2013. godine, d o n i j e l o j e

S A G L A S N O S T

1. **Daje se saglasnost Općinskom načelniku Općine Olovo** da u ime Općine Olovo od ranije vlasnice Dalagija (Rešida) Aiše rođene Biogradlijakupi i uknjiži na Općinu Olovo zemljište označeno kao:
 - Parcela broj **440/1 zvana Alinuša**, stambena zgrada u površini od 76 m², pomoćna zgrada u površini od 50 m², pomoćna zgrada 13 m², njiva 2. klase u površini od 872 m² i dvorište u površini od 500 m², **u ukupnoj površini od 1511 m²**, upisane u ZK uložak broj 118 K.O. Olovo na ime Dalagija (Rešida) Aiše rođene Biogradlija sa trajnim pravom korištenja i pravom raspolaganja na Općinu Olovo.
2. Daje se saglasnost Općinskom načelniku da vlasnici Dalagija (Rešida) Aiši, u skladu sa međusobno sklopljenim ugovorom, isplati naknadu, odnosno prihvati ponuđenu cijenu Dalagija Aiše za zemljište iz tačke 1. ove saglasnosti u ukupnoj cijeni u iznosu od 220.000,00 KM (53.790,00 procijenjena vrijednost objekta i 166.210,00 KM cijena za zemljište utvrđena Odlukom Općinskog vijeća broj 01-01-3-1756/12 od 25.07.2012. godine za I zonu gradskog građevinskog zemljišta).

Dostavljeno:

1. Općinski načelnik,
2. Služba za ekonomske poslove 2x,
3. Pravobranilaštvo Općine Olovo,
4. Za potrebe ugovora,
5. Evidencija,
6. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1557/13
Datum, 17.05.2013. godine

Na osnovu člana 7. Zakona o načelima lokalne samouprave u Federaciji BiH («Službene novine F BiH», broj 49/06), Zakona o građevinskom zemljištu («Službene novine Federacija BiH», broj 25/03) i na osnovu člana 18. Statuta Općine Olovo («Službeni glasnik Općine Olovo», broj: 2/07 i 4/08), rješavajući po prijedlogu Općinskog načelnika, Općinsko vijeće na sjednici održanoj dana 17.05.2013. godine, donijelo je

Z A K L J U Č A K

Odozvoli raspisivanja konkursa za dodjelu neizgrađenog gradskog građevinskog zemljišta na lokalitetu ispred stambeno poslovnog objekta Kabaši Adnana u Olovu

1. Dozvoljava se raspisivanje konkursa za dodjelu neizgrađenog gradskog građevinskog zemljišta na lokalitetu ispred stambeno poslovnog objekta Kabaši Adnana u Olovu, shodno odredbama Zakona o građevinskom zemljištu i Odluci o građevinskom zemljištu Općine Olovo
2. Konkurs za dodjelu gradskog građevinskog zemljišta raspisati za parcelu broj: 448/1 zvana Okućnica u površini od 442 m² K.O. Olovo upisana u ZK uložak broj 330 sa pravom raspolaganja na Općinu Olovo.
3. Početna cijena 1 m² površine gradskog građevinskog zemljišta koje je predmet prometa, a nalazi se u I zoni gradskog građevinskog zemljišta shodno Odluci o građevinskom zemljištu, utvrđena je na osnovu Odluke o određivanju visine naknade za preuzeto, eksproprisano dodijeljeno gradsko građevinsko zemljište za 2012. Godinu donešenu od Općinskog vijeća broj 01-01-3-1756/12 od 25.07.2012. godine i iznosi 110 KM/m², što znači da početna cijena za površinu od 442 m² iznosi 48.620,00 KM.
4. Konkursnu procedure provesti po Zakonu o građevinskom zemljištu i Odluci o građevinskom zemljištu Općine Olovo.

Dostavljeno:

1. Općinskinačelnik,
2. Općinskopravobranilaštvo,
3. Službazaekonomskeposlove 2x,
4. Evidencija,
5. a/a

PREDSJEDAVAJUĆI
OPĆINSKOG VIJEĆA

IzudinKućanović, dr.med. s.r.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE

Broj: 01-01-3- 1558 /13
Datum, 17.05.2013. godine

Općinsko vijeće Općine Olovo rješavajući po zahtjevu za davanje saglasnosti Uzeira Karića iz Olova, za promet i uknjižbu neizgrađenog gradskog građevinskog zemljišta, na osnovu člana 25. stav 3. Zakona o građevinskom zemljištu («Službene novine Federacije BiH», broj 25/03) i člana 18. Statuta Općine Olovo («Službeni glasnik Općine Olovo», 2/07 i 4/08) na sjednici održanoj dana 17.05.2013. godine, d o n o s i

ZAKLJUČAK

DAJE SE SAGLASNOST za promet i uknjižbu gradskog građevinskog zemljišta označenog kao parcela broj 151/2 zvana Okučnica po kulturi njiva 5 klase u površini od 209 m² ZK uložak broj 874 K.O. Olovo upisano na ime Krčo (Veljke) Slavka sa privremenim pravom korištenja zemljišta i pravom raspolaganja na Općinu Olovo.

Saglasnost na promet i uknjižbu parcele 151/2 K.O. Olovo podnešena je od strane Karić Uzeira koji je predmetnu parcelu na osnovu notorski obrađenog ugovora o kupoprodaji OPU – IP: 587/07 od 31.07.2007. godine ovjeren od strane Nasihe Alić, kupio od Krčo Slavka.

Obrazloženje

Karić (Šefke) Uzeir iz Olova obratio se pismenim zahtjevom dana 09.04.2013. godine Općinskom vijeću Općine Olovo, za davanje saglasnosti za promet i uknjižbu gradskog građevinskog zemljišta označenog kao parcela broj 151/2, zvana Okučnica, po kulturi njiva 5 klase u površini od 209 m² ZK uložak broj 874 K.O. Olovo upisano na ime Krčo (Veljke) Slavka sa privremenim pravom korištenja zemljišta i pravom raspolaganja na Općinu Olovo.

Karić Uzeir je predmetnu parcelu na osnovu notorski obrađenog ugovora o kupoprodaji OPU – IP: 587/07 od 31.07.2007. godine ovjeren od strane Nasihe Alić, kupio od Krčo Slavka, ali mu je rješenjem broj 041-0-Dn-12-002 102 od 02.04.2013. godine, od strane Odjeljenja za zemljišno knjižne poslove Općinskog suda u Visokom, naloženo da u roku od 30 dana u spis predmeta pribavi saglasnost Općine na promet nekretnina.

Kako je promet već izvršen i Općina Olovo nije zainteresovana za otkup predmetne parcele odlučeno je kao u dispozitivu ovog zaključka, shodno članu 25. stav 3. Zakona o građevinskom zemljištu.

Dostavljeno:

1. Karić Uzeir Olovo,
2. Službi za ekonomske poslove 2x,
3. Katastru,
4. Evidencija,
5. a/a

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA OLOVO
OPĆINSKO VIJEĆE**

Broj: 01-01-3- 1573/13
Datum, 17.05.2013. godine

Na osnovu člana 13. Zakona o načelima lokalne samouprave u Federaciji BiH („Službene novine Federacije BiH“, broj 49/06) i člana 18. Statuta Općine Olovo („Službeni glasnik Općine Olovo, broj: 2/07 i 4/08) rješavajući po prijedlogu Općinskog načelnika, Općinsko vijeće Općine Olovo, na sjednici održanoj dana 17.05.2013. godine, d o n i j e l o j e

Z A K L J U Č A K
O dozvoli uređenja gradskog građevinskog zemljišta

1. Shodno Odluci o izmjenama i dopunama Odluke o regulacionom planu Olovo-Centar broj: 01-01-3-1555/13 od 17.05.2013.godine privesti krajnjoj namjeni zemljište označeno kao parcele broj 439/2 zvano Alinuša u površini od 932 m² K.O. Olovo ZK uložak broj 340 sa privremenim pravom korištenja zemljišta u korist JU MSŠ Musa Ćazim Ćatić Olovo.
2. Za realizaciju zaključka zadužuje se Općina Olovo sa stručnim Službama i JU MSŠ Musa Ćazim Ćatić Olovo u smislu davanja saglasnosti.

Dostavljeno:

1. JU MSŠ Musa Ćazim Ćatić Olovo,
2. Služba za ekonomske poslove 2x,
3. Evidencija,
4. a/a

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

Na osnovu člana 9. Stav 2. Zakona o srednjoj školi („Službene novine Zeničko-dobojskog kantona“, broj: 20/07) i člana 18. Statuta Općine Olovo („Službeni glasnik Općine Olovo“, broj: 2/07 i 4/08), Općinsko vijeće Općine Olovo na sjednici održanoj dana 17.05.2013.godine , d a j e

MIŠLJENJE
o upisu učenika u prve razrede srednjih škola u
školskoj 2013/2014. godini

Član 1.

Općinsko vijeće Općine Olovo je mišljenja da se u školskoj 2013/2014. godini izvrši upis u prve razrede srednjih škola kako slijedi:

1. Gimnazija.....2 odjeljenja (50 učenika),
2. Ekonomska tehnička škola
stručno zvanje: ekonomski tehničar.....1 odjeljenje (25 učenika),
3. Poljoprivredna tehnička škola
stručno zvanje: Poljoprivredni tehničar
(EU-VET program).....1 odjeljenje (25 učenika).

Član 2.

Način, uslovi upisa, bit će objavljeni putem Konkursa u dnevnoj štampi.

Član 3.

Mišljenje će biti objavljeno u „Službenom glasniku Općine Olovo“.

Broj: 01-01-3-110913
Datum, 17.05.2013.godine

PREDSJEDAVAJUĆI
OPĆINSKOG VIJEĆA

Izudin Kućanović, dr.med. s.r.

Broj: 01-01-3- 1117/13

Datum; 17.05.2013. godine.

**UPUTSTVO O POTICANJU
PRIMARNE POLJOPRIVREDNE PROIZVODNJE ZA 2013 GODINU**

I. OPŠTE ODREDBE

1. Ovim uputstvom određuju se opći i posebni uslovi koje moraju ispuniti korisnici za ostvarivanje prava na novčane podrške, uređuju postupci za njihovo ostvarivanje, način isplate novčanih podrški za primarnu poljoprivrednu proizvodnju, obaveze koje kandidat mora ispuniti prije i nakon prijema novčane podrške i propisuju potrebna dokumenta i obrasci.

II. NAČIN OSTVARIVANJA NOVČANIH PODRŠKI

Pravo na ostvarivanje novčanih podrški u primarnoj poljoprivrednoj proizvodnji, imaju korisnici koji ispunjavaju uslove propisane ovim Uputstvom.

Korisnik koji ispunjava opće i posebne kriterije propisane ovim Uputstvom podnosi zahtjev za ostvarivanje novčane podrške i potrebnu dokumentaciju nadležnoj Općinskoj službi za prijem podneska u roku koji je propisan za svaku proizvodnju.

Po prijemu dokumentacije službeno lice Općinske službe nadležno za poslove poljoprivrede utvrđuje formalno – pravnu ispravnost iste. Ukoliko je dokumentacija formalno pravno ispravna, ovlašteni službenik izlazi na teren kod svakog podnosioca zahtjeva, i utvrđuje činjenično stanje o ispunjavanju uslova za ostvarivanje novčane podrške.

Na osnovu zapisnika i druge propisane dokumentacije ovlašteni službenik će izvršiti obračun novčane podrške ili odbiti zahtjev i donijeti rješenje za svakog poljoprivrednog proizvođača. Jedan primjerak rješenja dostavlja se Općinskom Načelniku na osnovu čega se donosi odluka o isplati novčane podrške.

A) ANIMALNA PROIZVODNJA

1. Osnovno stado ovaca

Za ostvarivanje prava na podršku za držanje osnovnog stada ovaca korisnik mora ispuniti sledeće posebne uslove:

- da u vlastitom stadu ima najmanje **50** ovaca za priplod,
- da su životinje obilježene u skladu s Pravilnikom o obaveznom obilježavanju i i upisu u jedinstveni registar ovaca i koza.
- visina podrške je **8,00KM po grlu.**

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

-kopiju lične karte

- popunjen obrazac **ZAHTJEVA (Z-1)** za ostvarivanje prava na podršku,
- potvrdu Veterinarske stanice da su grla upisana u jedinstveni registar domaćih životinja u skladu s Pravilnikom o obaveznom obilježavanju,
- potvrdu o upisu u Registar poljoprivrednih gazdinstava i Registar klijenata,
- kopiju kartice sa brojem bankovnog računa.

2. Tov junadi

Za ostvarivanje prava na podršku za tov junadi korisnik mora ispuniti sledeće posebne uslove:

- da utovi najmanje **3** grla u toku 2013 godine,
 - uvede u tov telad starosti do 6 meseci i težine do 200 kg,
 - ostvari minimalan prirast od 200 po ženskom, odnosno 250 kg po muškom grlu,
 - da su životinje obilježene u skladu s Pravilnikom o obaveznom obilježavanju goveda,
 - visina podrške je **50,00KM po grlu**.
- Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:
- kopiju lične karte
 - popunjen obrazac ZAHTJEVA (Z-1) za ostvarivanje prava na novčanu podršku,
 - potvrdu Veterinarske stanice da su grla upisana u jedinstveni registar domaćih životinja u skladu s Pravilnikom o obaveznom obilježavanju goveda,
 - potvrdu o upisu u Registar poljoprivrednih gazdinstava i Registar klijenata,
 - kopiju kartice sa brojem bankovnog računa.

3. Uzgoj krava za mužu

Za ostvarivanje prava na novčanu podršku za uzgoj krava za mužu korisnik mora ispuniti sledeće posebne uslove:

- da u svom vlasništvu ima **3 i više** grla koje su u laktaciji,
- da su životinje obilježene u skladu s Pravilnikom o obaveznom obilježavanju,
- visina podrške je **80,00 KM po grlu**.

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- potvrdu Veterinarske stanice da su grla upisana u jedinstveni registar domaćih životinja u skladu s Pravilnikom o obaveznom obilježavanju,
- kopija pasoša izdatog od Agencije za obilježavanje grla za kandidano grlo,
- kopiju kartice sa brojem bankovnog računa,
- potvrdu o upisu u Registar poljoprivrednih gazdinstava i Registar klijenata.

4. Uzgoj brojlera

Za ostvarivanje prava na podršku za uzgoj brojlera korisnik mora ispuniti sledeće posebne uslove: Pravo na premiju za uzgoj brojlera imaju uzgajivači koji na teritoriji općine Olovo u vlastitom ili zakupljenom objektu imaju proizvodnju brojlera, te usele najmanje **5000** komada brojlera u turnusu.

- maksimalno se premira dva turnusa.

Premija se obračunava na osnovu broja utovljenih brojlera.

Turnus brojlera podrazumijeva jednovremeni početak i jednovremeni kraj tova jedinki iste starosne dobi. Datum nabavke brojlera prema računu/otpremnici, ili nekom drugom dokumentu koji dokazuje zaduženja o nabavci brojlera, smatra se početkom proizvodnje.

Premira se proizvodnja brojlera započeta nakon 31.12.2012 i završena do 31.12. 2013. godine.

Iznos premije je **0,10 KM/** po jednom utovljenom brojleru. Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- obrazac Zahtjeva (Z- 1) sa naznačenim datumom početka turnusa i brojem jedinki u turnusu,
- dokaz o nabavci brojlera za tov od registriranog proizvođača,

- potvrdu o upisu u Registar poljoprivrednih gazdinstava i Registar klijenata
- kopiju kartice sa brojem bankovnog računa.

B – BILJNA PROIZVODNJA

1. Proizvodnja konzumnog krompira

Za ostvarivanje prava na podršku za proizvodnju konzumnog krompira korisnik mora ispuniti sledeće posebne uslove:

- da na vlastitom imanju zasije u monokulturi minimalno **0,3ha** krompira,
- Iznos podrške je **70,00 KM /dunum.**

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original za parcelu na kojoj je zasnovana proizvodnja,
- posjedovni listza parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata,
- kopiju kartice sa brojem bankovnog računa.

2.Proizvodnja graha i crnog luka

Za ostvarivanje prava na podršku za proizvodnju graha i crnog luka korisnik mora ispuniti sledeće posebne uslove:

- da na vlastitom imanju zasije minimalno u monokulturi**0,3 ha**graha i crnog luka,
- Iznos podrške je **70,00 KM /dunum.**

Za ostvarivanje prava na novčanu podršku korisnik će najkasnije do 10.06.2012. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original za parcelu na kojoj je zasnovana proizvodnja,
- posjedovni listza parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata,
- kopiju kartice sa brojem bankovnog računa.

3.PROIZVODNJA ŽITARICA

Za ostvarivanje prava na podršku za proizvodnju pšenice, ječma, zobi i kukuruza u zrnju korisnik mora ispuniti sledeće posebne uslove:

- da na vlastitom imanju zasije pšenice i kukuruzaminimalno **0,3 ha** -
maksimalno se premira**4,0 ha,**
- da na vlastitom imanju zasije ječam, zob, minimalno **0,4 ha,**
- maksimalno se premira**3,0 ha,**
- iznos podrške je **60,00 KM /dunum** za pšenicu i kukuruz, a**50,00 KM/dunum** za zob i ječam.

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kpiju lične karte
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original za parcelu na kojoj je zasnovana proizvodnja,
- posjedovni listza parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata.

- kopiju kartice sa brojem bankovnog računa.

3.a Za ostvarivanje prava na podršku za žetvu strnih žita korisnik mora ispuniti sledeće posebne uslove:

- da su zasijane površine požnjevene mehanizacijom (kombajn), minimalno požnjena površina **je 0,2ha** -maksimalno se premira **2,0 ha**,

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original za parcelu na kojoj je zasnovana proizvodnja,
- posjedovni list za parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata.
- kopiju kartice sa brojem bankovnog računa.

Iznosu podrške je 20,00 KM po dunumu.

4. Proizvodnja voća

Pravo za ostvarivanje novčane podrške za proizvodnju voća ima klijent koji pored opštih uslova ispunjava i sledeće posebne uslove:

- da poseduje voćnjak najmanje površine 0,3/ha
- da proizvede najmanje 20t/ha jabuke i kruške, ili 15 t/ha šljive

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original i posjedovni list za parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata,
- kopiju kartice sa brojem bankovnog računa.
- iznos podrške je 60,00 KM/dunum za jabuku I krušku I 50,00KM za šljivu.

5. Proizvodnja borovnice

Pravo za ostvarivanje novčane podrške za proizvodnju borovnice ima klijent koji pored opštih uslova ispunjava i sledeće posebne uslove:

- da ima zasnovanu proizvodnju minimalne površine 0,3ha
- iznos podrške je 50,00KM/dunum

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana i posjedovni list za parcelu na kojoj je zasnovana proizvodnja,
- potvrdu o upisu u Registar poljoprivrednih gazdinstava i Registar klijenata,
- kopiju kartice sa brojem bankovnog računa.

6. Proizvodnja svježeg povrća u plastenicima

Za ostvarivanje prava na novčanu podršku za proizvodnju svježeg povrća u plastenicima korisnik mora ispuniti sledeće posebne uslove:

- da u plasteniku ima zasnovanu proizvodnju povrća ,

- daima platenike minimalne površine **200 m²**,
- maksimalno se premirado **500 m²**,
- da je visina konstrukcije na najvišem dijelu minimalno 2 m,
- da su platenici metalne konstrukcije,
- da je podnosilac zahtjeva vlasnik parcele na kojoj se nalazi proizvodnja, ili je član zajedničkog domaćinstva sa vlasnikom predmetne parcele,
- iznos podrške je **1,00 KM/m²**,

Za ostvarivanje prava na novčanu podršku korisnik će najkasnije do 10.06.2013. godine Službi za ekonomske poslove dostaviti sledeću dokumentaciju:

- kopiju lične karte,
- popunjen obrazac ZAHTJEVA (Z-1) za ostvarivanje prava na podršku,
- ovjerenu kopiju katastarskog plana ili original za parcelu na kojoj se nalazi platenik,
- posjedovni list.
- potvrdu o upisu u Registar poljoprivrednih gazdinstava i Registar klijenata,
- kopija kartice sa brojem bankovnog računa.

Ovo uputstvo stupa na snagu danom donošenja.

**PREDSJEDAVAJUĆI
OPĆINSKOG VIJEĆA**

Izudin Kućanović, dr.med. s.r.

S A D R Ź A J

strana

1. Odluka o obrazovanju Jedinственog organa uprave, Općinskog načelnika i ostalih općinskih službi	1
2. Odluka o dodjeli gradskog građevinskog zemljišta – Gondžić Fehimu	9
3. Odluka o promjeni statusa javnog dobra u opštoj upotrebi- vode	11
4. Odluka o izmjenama i dopunama Regulacionog plana (lokalitet „Alinuša”).....	12
5. Odluka o izmjenama i dopunama Regulacionog plana (lokalitet „Pilana”, „Prominvest”)...13	
6. Odluka o izmjenama i dopunama Regulacionog plana (lokalitet kod „Karingtonke”).	14
7. Odluka o izmjenama i dopunama Regulacionog plana (lokalitet ispred Borova).....	15
8. Odluka o imenovanju Skupštine JKP „Bioštica” Olovo	16
9. Odluka o izmjenama i dopunama Odluke o komunalnom redu	18
10. Rješenje o preuzimanju iz posjeda i korištenja gradskog građevinskog zemljišta vlasnika ŠIP „Stupčanica” Olovo.....	20
11. Rješenje o imenovanju Radne grupe za izradu Rezolucije povodom prijedloga Prostornog plana F BiH	22
12. Rezolucija Općine Olovo povodom prijedloga Prost. Plana FBiH.....	23
13. Rješenje o imenovanju Komisije za obilježavanje Dana olovske brigade – 27. maj.....	25
14. Saglasnost za kupovinu nekretnina od Dalagija Aiše, parcela br. 440/1 zv. Alinuša.....	26
15. Zaključak o dozvoli prometa neizgrađenog gradskog građevinskog zemljišta kod poslovno-stambenog objekta Kabaši Adnana.	27
16. Zaključak o davanju Saglasnosti za promet gradskog građevinskog zemljišta–KarićUzeir..	28
17. Zaključak o uređenju gradskog građevinskog zemljišta kod MSS „Musa Ć. Ćatić” Olovo..	29
18. Mišljenje o upisu učenika u prve razrede MSS „Musa Ćazim Ćatić” Olovo za školsku 2013./2014. godinu.	30
19. Uputstvo o poticaju primarne poljoprivredne proizvodnje u 2013. godini.	31

Ovaj Službeni glasnik istaknut je na Oglasnoj tabli
Općine Olovo dana **28.05.2013.godine**.

Ovjerava:
SEKRETAR
OPĆINSKOG VIJEĆA

Zijad Karić, dipl. pravnik, s.r